

Ո Ր Ո Շ ՈՒ Մ N 318/6
/վարչական տույժ նշանակելու մասին/

«26» ապրիլ 2023թ.

ք. Վանաձոր

Հայաստանի Հանրապետության պետական եկամուտների կոմիտեի Արևելյան մաքսատուն-վարչության պետ Հայկ Միրզոյանս քննելով Արման Դավթյանի (անձն. AP0631059, քաղաքացիությունը՝ Հայաստանի Հանրապետության) կողմից մաքսային կանոնների խախտման վերաբերյալ գործը,

Պ Ա Ր Զ Ե Ց Ի

1. Սույն գործի նկարագրությունը:

Քաղաքացի Արման Դավթյանի կողմից 27.03.2023թ. թիվ 05100034/270223/0005125 տարանցման հայտարարագրով ՀՀ տարածք է ներմուծվել մարդատար ա/մ պահեստամասեր, նշանակման մաքսային մարմին է սահմանվել ՀՀ ՊԵԿ Երևանի մաքսային սպասարկման կենտրոն-մաքսատուն վարչությունը, վերջնաժամկետը՝ 12.03.2023թ., սակայն նշված ապրանքը և ուղեկցող փաստաթղթերը սահմանված ժամկետում չեն հասցվել նշանակման վայր:

2. Սույն վարչական գործի քննության համար նշանակություն ունեցող փաստերը:

- 27.03.2023թ թվականին 05100034/270223/0005125 տարանցման հայտարարագրով ՀՀ տարածք է ներմուծվել մարդատար ա/մ պահեստամասեր:
- 20.03.2023 թվականին կազմվել է մաքսային կանոնների խախտման վերաբերյալ արձանագրություն: Նշանակվել է գործի քննություն 26.04.2023 թվականին ժամը 14:30-ին, որի վերաբերյալ պատշաճ ծանուցվել է սակայն չի ներկայացվել գործի քննությանը:

3. Սույն վարչական գործի փաստական և իրավական հիմնավորումները, վարչական մարմնի եզրահանգումները:

Եվրասիական տնտեսական միության մաքսային օրենսգրքի 87-րդ հոդվածի 1-ին կետի համաձայն՝ Միության մաքսային սահմանը հատելուց հետո ապրանքները պետք է

փոխադրողի կամ անձնական օգտագործման ապրանքներ տեղափոխող անձի կողմից հասցվեն ժամանման վայր կամ սույն Օրենսգրքի 10-րդ հոդվածի 3-րդ կետում նշված այլ վայրեր:

Եվրասիական տնտեսական միության մաքսային օրենսգրքի 144-րդ հոդվածի 1-ին մասի համաձայն՝ ապրանքները «մաքսային տարանցում» մաքսային ընթացակարգով ձևակերպելիս ուղարկող մաքսային մարմինը սահմանում է այն ժամկետը, որի ընթացքում ապրանքները ուղարկող մաքսային մարմնից պետք է հասցվեն նշանակման մաքսային մարմին (այսուհետ՝ մաքսային տարանցման ժամկետ): Նույն հոդվածի 3-րդ մասի համաձայն՝ մաքսային տարանցման առավելագույն ժամկետը չի կարող գերազանցել 1 ամսում 2 հազար կիլոմետր հաշվարկով սահմանվող ժամկետը, կամ «մաքսային տարանցում» մաքսային ընթացակարգով ձևակերպվող ապրանքների փոխադրման առանձնահատկությունների հաշվառմամբ Հանձնաժողովի կողմից սահմանվող ժամկետը:

Եվրասիական տնտեսական միության մաքսային օրենսգրքի 150-րդ հոդվածի 1-ին կետի 1-ին ենթակետով սահմանվում է՝ «Մաքսային տարանցում» մաքսային ընթացակարգին համապատասխան ապրանքների փոխադրման (տրանսպորտային փոխադրման) ժամանակ փոխադրողը, անկախ այդ մաքսային ընթացակարգով ձևակերպված ապրանքների հայտարարատուն լինելու հանգամանքից՝ բացառությամբ սույն հոդվածի 2-րդ կետում նշված դեպքի, պարտավոր է՝ ուղարկող մաքսային մարմնի կողմից սահմանված ժամկետում ապրանքներն ու դրանց փաստաթղթերը հասցնել ապրանքների առաքման վայրը՝ հետևելով ապրանքների փոխադրման (տրանսպորտային փոխադրման) սահմանված երթուղուն, եթե այդպիսին սահմանված է:

Եվրասիական տնտեսական միության մաքսային օրենսգրքի 151-րդ հոդվածի 1-ին մասի համաձայն՝ «մաքսային տարանցում» մաքսային ընթացակարգի գործողությունն ավարտվում է ուղարկվող մաքսային մարմնի կողմից սահմանված՝ ապրանքների առաքման վայր ապրանքները հասցնելուց հետո:

Եվրասիական տնտեսական միության մաքսային օրենսգրքի օրենսգրքի 154-րդ հոդվածի 1-ին մասի համաձայն՝ «Մաքսային տարանցում» մաքսային ընթացակարգով ձևակերպված բոլոր ապրանքները և դրանց առնչվող փաստաթղթերը ապրանքների առաքման վայր չհասցնելու դեպքում սույն Օրենսգրքի 150-րդ հոդվածում նշված անձինք պատասխանատվություն են կրում այն անդամ պետության օրենսդրությանը

համապատասխան, որի մաքսային մարմինը, «մաքսային տարանցում» մաքսային ընթացակարգին համապատասխան, իրականացրել է ապրանքների բացթողումը:

Ապրանքների՝ «մաքսային տարանցում» մաքսային ընթացակարգին համապատասխան փոխադրման (տրանսպորտային փոխադրման) ժամանակ պարտականությունները չկատարելու այլ դեպքերում, այդ թվում՝ «մաքսային տարանցում» մաքսային ընթացակարգով ձևակերպված ապրանքների մի մասը տեղ չհասցնելու դեպքում Եվրասիական տնտեսական միության մաքսային օրենսգրքի 150-րդ հոդվածում նշված անձինք պատասխանատվություն են կրում այն անդամ պետության օրենսդրությանը համապատասխան, որի տարածքում հայտնաբերվել է խախտումը:

Մաքսային կարգավորման մասին ՀՀ օրենքի 301-րդ հոդվածի 1-ին մասի համաձայն՝ մաքսային կանոնների խախտում է համարվում անձի կողմից կատարված անօրինական գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության մաքսային սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենսգրքով նախատեսված է պատասխանատվություն: Նույն հոդվածի 2-րդ մասի համաձայն՝ ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության:

Մաքսային կարգավորման մասին ՀՀ օրենքի 305-րդ հոդվածի համաձայն՝ Մաքսային հսկողության ներքո փոխադրվող ապրանքները կամ տրանսպորտային միջոցները կամ դրանք ուղեկցող փաստաթղթերը մաքսային մարմին չհասցնելը, մաքսային մարմնի սահմանած մաքսային տարանցման ժամկետը կամ տարանցման երթուղին չպահպանելը կամ ապրանքները կամ տրանսպորտային միջոցները մաքսային մարմնի սահմանած առաքման վայրից տարբերվող այլ վայր հասցնելը՝ առաջացնում է տուգանք՝ հարյուր հազար դրամի չափով:

Այսպիսով, վարույթի նյութերով հիմնավորվում է, որ Արման Դավթյանի կողմից թիվ 05100034/270223/0005125 տարանցման հայտարարագրով ՀՀ ՊԵԿ Արևելյան մաքսատուն-վարչության Գոգավան-Պրիվոլնոյե մաքսային կետ-բաժնում ձևակերպված ապրանքը և ուղեկցող փաստաթղթերը վերջինիս կողմից սահմանված ժամկետում չեն հասցվել

նշանակման վայր, ինչով պայմանավորված նա թույլ է տվել Մաքսային կարգավորման մասին ՀՀ օրենքի 305 հոդվածով նախատեսված մաքսային կանոնների խախտում, ինչը հիմնավորվում է վարչական վարույթի նյութերով:

4. Եզրափակիչ մաս:

Ելնելով վերոգրյալից և ղեկավարվելով «Մաքսային կարգավորման մասին» ՀՀ օրենքի 301-րդ, 305-րդ, 322-րդ, 334-րդ հոդվածներով և Վարչական իրավախախտումների վերաբերյալ ՀՀ օրենսգրքի 214-րդ, 234-րդ հոդվածներով՝

Ո Ր Ո Շ Ե Ց Ի

1. Մաքսային կարգավորման մասին ՀՀ օրենքի 305-րդ հոդվածով նախատեսված մաքսային կանոնների խախտում կատարելու համար Արման Դավթյանին ենթարկել վարչական պատասխանատվության՝ տուգանելով **100.000 ՀՀ դրամի** չափով:
2. Որոշման մասին հայտնել Արման Դավթյանին:
3. Պարզաբանել, որ Մաքսային կարգավորման մասին ՀՀ օրենքի 334-րդ հոդվածի 2-րդ մասի համաձայն որոշումն ուժի մեջ է մտնում այն կայացնելու պահից և նույն հոդվածի 4-րդ կետի համաձայն՝ վարչական տույժ նշանակելու մասին մաքսային մարմինների որոշումը կարող է բողոքարկվել «Մաքսային ծառայության մասին» օրենքի 37-րդ հոդվածով սահմանված կարգով կամ դատական կարգով:

Սույն որոշմամբ նշանակված տուգանքի վճարման հաշվեհամարն է. 900005024055 (ՀՀ պետական բյուջե, կենտրոնական գանձապետարան, Արևելյան մարսապտուն-վարչություն, ԿՈՂ 29):

ԱՐԵՎԵԼՅԱՆ ՄԱՔՍԱՏՈՒՆ

ՎԱՐՉՈՒԹՅԱՆ ՊԵՏ՝

ՀԱՅԿ ՄԻՐԶՈՅԱՆ